

Tid tu hooneln:

For sotsiaal sääkerhäid, freese än kliimaruchtfjardihäid!

Kortprogram 2021

DIE LINKE.

Friesische Fassung

For sotsiaal sääkerhäid, freese än kliimaruchtfjardihäid

Bai jüheer bundestagswool entschääst et ham: Huum betäält da koostinge foon e corona – kriise? Am't klima tu reedien, mönje we wirtschaft än silschap ambäige. Huumsens laaben wårt lächter, huum wårt et schwäärer heewe? DIE LINKE sörjt deerfor, dat ham niimens twasche san arbeidspläts än e tukamst foon da äine bjarne än bjarnebjarne entschiise tört. Kliimaschuts ma sääkere arbeidsplätse än goue lüünje tu ferbinen: Dät gungt. En krisenfääst sünhäidssüsteem, wat äle likegödj fersörjt: Dät gungt. Lüünje, wat for'n gou laaben än sääkere rante länge: Dät gungt. En sotsiaalstoot, wat äle sääker for eermöödj beschöolt än for gou utbilding, betäälboore booge än koostingefrie näiferkiir sörjt: Dät gungt – wan äle jare bairäch låaste. Da super-riker san önj e coronakriise riker wörden, wilt da maning beschäftide ma kortårbe knååpenooch turuchte kiimen san. Giilj as deer nooch. Dät schal bloot ruchtfjardi ferdiiljd än for't wälj foon äle inseet wårde: Dät gungt – m'a'n stark LINKE. Deeram bade we jam am jargne stim bai e näist bundestagswool.

We räigle årbe, deerma't tut laaben pääst.

Arken fütte önjt weesten än arken treede önj Åasttjüschlönj arbet for läichlüünje. Mån iinj

bejäåwenhäid – kortårbe, krunkhäid, äine, wat pääset wårde schan – trânt ja foon e äksistäänsångst. Corona heet dat maning for e uugne fjard. E lüünje mönje steege! We seete e manstelüünj huuch aw 13 Euro – deeruner långt et ai for'n eermödjfääst rante. Huum ma'n befristeden arbeidsferträch arbet, önj liijårbe, bai wårksferträchsfirme ooder sub-unernaamere, önj minijobs ooder suner tariifferträch, fertiint maner än as hiinjer oufsääkerd. We seede: Schlus deerma. Niinj ünsääker arbe än niinj läichlüünje mär. Äle schan wi ma'n tariifferträch arbe. Tuhuupe san we stark! Da beschäftide än jare gewerkschafte foue mär mabestimings- än vetoruchte iinj et fleten foon e firma än entlätjing. We schääwe arbe, weerma we e tukamst ploone koone. We brüke tid for familie, fründe, fritid: Kortere arbeidstide ma fule lüünjütglik.

We ferdiile e rikdoom sù, dät'r äle tu goue kamt.

Nuch uler wjarn önj Tjüschlönj iinkaamene än fermöögen sù ünlik ferdiiljd. Da 45 rikste hühüüljinge äliine hääwe süfoole as e hiil eermer haleft foon e befoljkring tuhuupe – our e stüüre aw fermöögene än huuge iinkaamene dilseet wörden san! Sunt 1997 wårt deer niinj fermöögensstüür mär ferlångd. Dät resultat: Öfentlike

tiinjtstläästinge san dilspåard ooder priwootisiird wörden. Krunkenhüsinge wårde priwootisiird ooder schlin. Önj maning schoule gunge e tolåte ai, gån tu sweegen foon e ütrüstring ma laptops än deer breege maning liirere än liirerine. Deerfor as niinj giilj deer? Duch! We bestüüre grute fermöögene än årwpårte ruchtfjardi. Ma da innoome modernisiire we schoule, krunkenhüsinge än schååwe betåålboore booge, wat öfentlik eegendoom san. Dan, wat for åle deer as, schölj uk åle hiire. Üüs stüürferspreegen: Huum as single (stüürklase I) maner as 6.500 Euro önj e moune heet, betåålt maner stüür. Huum mär heet, deet mär ouf. Dåt as duch ai tu foole ferlångd!

We schååwe faire ouergunge inönj e kliimaruchtfjardi tukamst.

Tou treedepårt foon e wråålwid CO₂ belååsting wårt foon 100 grutkontsårne feruursååged. For en konsequenten kliimaschuts hååle we deeram dåt giilj ai e bai da dåike manschne wi rin – döör steegende liie än struumprise felicht. Nåån, gån önjt iinjdiilj! We san ai trung for da kontsårne än sörje for en fairen ouergung inönj en kliimaruchtfjardi tukamst. We schååwe en reediingsschirm for åle beschåfdide, ma job- än inkaamensgarantii, ma 4deegewåig, lüünjütglik än widerbildingsgarantii. We bæige e bus- än boonferkiir üt än mååge di öfentlike gratis. Di jarste trees: Gratisfård for bjarne än seniore:inne. Bane 5iirnge schal di näiferkiir ma bus än boon önj hiil Tjüschlönj amensunst weese. For da lönjlike gebiite doue we en mobilitåtsgarantie: Mär buse, wat uk ooftinger kåäre. Huum pendle schal, mätj ai aw't auto önjwised weese. Da boonprise seete we dil aw e haleft än ferleede da kortstråkenflüüge ouer aw e schaane. Mär produktion än mär årbedsplåtse. Bit 2035 mååge kommunen, wirtschaft, e hiil silschap klimaneutral.

We organisiiere plääg än sünhäid, sūdāt åle like gödj fersörjd san.

Tumanst nü, döör corona, wiise we't: Üüs sünhäids-süsteem as ai kriisenfååst. Önj e krunkenhüsinge än plääghiime breege fråchkreefte – önj biise inruchtinge manst 100.000. Ålewåågens fersåke plääg kreefte, di mångel döör'n åkstrainsats üt u glik, oofting gungt et ouer jare kreefte. Maning san kånt än klåår, ferlåtje di beruuf. Rüt üt e pläägnüüdstand! We leede en gou fersörjing ma nooch personåål gesåtslik fååst. Båådere årbedsamstände än 500 Euro mär önj e moune. Di, wat manschne pläägt, schölj ai maner giilj fertiine as di, wat giilj ferwålte ooder ma aktie hoonle. Krunkenhüsinge än pläägkontsårne mönje

sü wirtschafte, dåt's et gåågen forn e ålgemeinhäid önj såcht hååwe – ai profite än dividenden. We brånge krunkenhüsinge än plääginruchting önj öfentlike än gemeinnützige hönje. Schlus ma e 2-klase-meditsiin: Like gou fersörjing for åle, ma'n solidarisch krunkenfersååkrikring. Åle – uk da topfertiinere – betååle inönj en gesåtslik kas. Da bairrånche fermanere jam for åle! Di, wat maner as 6.300 Euro brutto fertiint, betåålt maner as nü. E LINKE- pläägfersååkrikring betåålt åles, weer deer bråk for weese schölj. Da åin-önjdiile for pläägde fåle wåch.

Manschne for profite – we mååge boogen betåålboor.

E liie åksplodiire; ål lung ai mär bloot önj da grute ståånge. En wåksenden önjdiilj foon't inkaamen wårt aprin foon e liie. Maning manschne mönje jare näiberschaf ferlåtje ooder sate önj booge, wat tu latj san, fååst. Dåt, ouer ma immobilien spekuliird wårt än e liimanschne da profite foon e aktienbesitsere betååle. E regiiring heet jüdeer entwiking ai bråmsed. Nü as schlus! We stope e liiåksplasioon en seete en fååst boowergråns fååst: En liidåkel. Modårnisiiringe månje ai brükd wårde, am da liie tu ferhuugern. E modårnisiirings-amlååge schååfe we ouf. Ma booge mätj bai e börse ai mär spekuliird wårde. Kontsårne, wat ai saniire, e liie huuch seete ooder uk da liimanschne schikaniire, mönje enteegend wårde. E mårked råigeld dåt ai! Dåt jeeft bloot nuch huulew sü maning sozialwohnungen as for 15iirnge. Mär as 5millione booge for manschne ma'n läig inkaamen breege deer. We hüülje deerinj: Arks iir schååwe we 250 000 sozialwohnungen – än da schan uk önj e sotsiaalbinging bliwe.

We schååwe rånte, wat önj't åler en gou laaben möölik mååge.

Maning manschne tånke besörjd am jare rånte. Wårt's långe for't laawen än – wat for'n laawen wårt dåt weese? Fou ik man job bemåntjed bit tu't råntenåler ooder wårt me e rånte korted. E årbedsjeewere än da partaie, wat ja nåi stönje, wan dåt da manschne långe årbe: Bit 68 ooder 70 sügoor. For maning wörd dåt bedjüse, dåt's årbe muusten bit's amfåle. DIE LINKE wal, dåt enarken lääsest ma 65 önj rånte gunge koon. Huum 40iirnge bairrånch betååld heet, ål iir. Dåt rånteniveau seete we foon diling 48% huuch aw 53%. Huum diling e döørsnitsrånte foon 1.050 Euro fåit, håi dan 100 Euro mär. E råntefersååkrikring wan we sü ambåige, dåt uk beåmte, politiker:inne än seelewständie inbetååle än ma fersååkerd san. Dan långt et giilj for goue

ränte for en arken. Da ränte önj Åasttjüschlönj mönje aw diseelwie hööchde as önj e Weesten huuchseet wårde. Deerma butlesoomeln ai mär nüsi as! Läige ränte wårde we ferhuugere aw 1.200 Euro; dåt as ai mär as ruchtjardi!

Niinj geschäft ma e düüs: Export foon wååbene- än rüstingsmateriool ferbiidje.

Foon Tjüschlönj üt wårde wååbene än ouder rüstingsmateriool üt önj e hiil wråål äksportiird – uk önj gebiite, weer deerma manschneruchtsferstiitje, kreege än bürgerkreege önjhaitsd wårde! Tjüsche wååbene san tu finen bai da kreege önj Syrien än e Jemen. Ma da wårde manschne ferwunded, ambroocht än önj e flucht twöngen. Da ferspreegene, dåt scharper tu kontrolliiren, heet e regiiring ai hülen. Aw e wråålwid list foon wååbenexporteure as Tjüschlönj imer nuch nr. 4. Än dadeer' exporte steege, hüwålj e mårhäid foon e beföljkring deer iinj as. Da grute schörke än maning bürgerinitiativen ferlänge, dåt e regiiring har politik anert. Önjt gehiil san da rüstingsütgoowe stäägen. We seede, dåt's di ferkiirde wåi! DIE LINKE treet in for freese. We hååle e bundeswehr foon har ütönjsinsätse tubääg. Exporte foon wååbene än rüstingsmateriool wårde we ferbiidje.

We mååge e sotsiaalstoot säaker.

Tjüschlönj as iinj foon da rikste lönje aw e wråål. Niimen schölj heer önj eermödj laawe. Niinj årbedslüüs mam schölj twöngen weese än spåår bai't ääsenswoore, deerma's har bjarn en naien schöljrantzen kuupe koon. Huum årbedslüüs wårt, mätj ai oufstjarte önj eermödj än HartzIV. Dåt årbedsluusengiilj I mötj långer betååld wårde. Da Hartz IV-sätse bedjüse eermödj per gesåts än länge ai for en tulåinglik neering – dåt besåit en regiiringsgödjåchten. Önjtstää foon Hartz IV wan we en manstsååkring infååre, wat sanktionsfrei weese schal än ai korted wårde koon. En diilj foon e sotsiaalstoot san goue sotsialle tiinjste, wat for åle deer san: Gebüürefrie kitas, gratis ååse önj schölj än kita. We wan öfentlike schwumbåde – ark bjarn schal schwumen liire koone – än gou plååg, wat ai eerm mååget. Wilt e coronakriise as deer foole heelpgiilj ütbetååld wörden. For e wool wal e regiiring deer ai am snååke: Aaber eefter e wool entschååst ham dåt, am dadeere koostinge döör kortinge än priwootisiiringe önj e sotsiaale berik ütglikd wårde. We wan en fermöögensbaitrårch infååre, wat for åle fermöögene ouer 2 millione Euro jült. Deerma schan da koostinge foon e coronakriise finantsiird wårde. Ma en stark LINKE wårt e sotsiaalstoot ai wider oufbåiged.

Solidarität as ündiiljboor.

We wan en silschap, wat fri as foon ütgrånsinge än ütñjüting. Ma iinjse ruchte for åle, wat heer laawe, ma en funktioniiirenden sotsiaalstoot än goue öfentlike tiinjste for åle. We seede nåån tu diskriminiiring än rasismus. Ünlikhäide bai lüünje än schångse for en gou laaben twasche kjarls än wüste, ååst- än weesttjüsche, tjüsche än ai-tjüsche schååse üs åle. Ark laaben teelt; we lätje niimen tubääg – uk ai da manschne aw e flucht! Wan e tukamst foon üüs bjarn ferbåiged wårt, ouer't schölj da ünlike startbetinginginge önjt ålernerhüs ai ütglikt, dan seede we: »Dåt gungt bääder.«

We wa, dåt demokratii mär bedjüset, as dåt we ark fiird iir üüs stim oufdoue. Demokratii mötj hiitje: »Dåt as üüs lönj, üüs stää, üüs firma, üüs silschap. Heer ban ik ine, ouer we tuhuupe üüs tukamst bestime.«

We seete grånse for da rike än e kotsårne jare influus aw e politik.

Di wat foole giilj heet, di heet uk foole influus aw e politik. Da grute immobilienkotsårne hääwe gödjgeebesch spånded for CDU än FDP – än da biise uuge fliitje apiinj en liidåkel. DIE LINKE as unoufhångi. We naame niinj spånde foon unernaamene; we san ai tu kuups! Deerma e demokratii funktioniiirt, wårde we unernaamensspånde än – spånde for partaie ferbiidje. We brånge di influus foon lobbyiste for'n dái. DIE LINKE har lobby san da manschne, wat for sotsiaal ruchtjardihåid strååwe. Gemiinsoom koone we üüs lönj än e wråål feranere.

We strååwe for en ouder politik, for en regiiringswåksel. Gemiinsoom – tuhuupe ma jam – mååge we dåt lönj ruchtjardi. Deeram bade we jam for e bundestagswool di 26. septåmber 2021 jargne stim DIE LINKE tu douen. Sotsiaal ruchtjardihåid, klimaschuts än freese jeeft et bloot ma'n stark LINKE. Nü!

Kontakt:

DIE LINKE. Pateivorstand, Kleine Alexanderstraße 28, 10178 Berlin
Telefon: 030/24 00 99 99 · kontakt@die-linke.de · www.die-linke.de
V.i.S.d.P. Jörg Schindler

Eintrittserklärung

Hiermit erkläre ich,

Name, Vorname* _____

meinen Eintritt in die Partei DIE LINKE, Mitglied der Partei der Europäischen Linken (EL).

Ich bekenne mich zu den Grundsätzen des Programmes der Partei DIE LINKE, erkenne die Bundessatzung an und bin nicht Mitglied einer anderen Partei im Sinne des Parteiengesetzes.

Weitere Angaben zu meiner Person

Straße* _____

Hausnummer* _____

Geburtsdatum* _____

PLZ* _____

Ort* _____

Telefonnummer _____

Bundesland* _____

E-Mail-Adresse _____

Soziale Netzwerke (Facebook, Twitter, Instagram etc.) _____

Beruf _____

Tätig als _____

Ich war früher bereits Mitglied einer Partei im Sinne des Parteiengesetzes. Wenn ja, in welcher?* _____

Politische Interessen (Themenfelder) _____

Die Angaben werden von der Partei DIE LINKE in ihrer Bundesgeschäftsstelle und den Gliederungen entsprechend den Bestimmungen der EU-Datenschutzgrundverordnung zum Zwecke des Nachweises der Mitgliedschaftsvoraussetzung, der Nachweisführung gemäß Parteiengesetz, der statistischen Auswertung und innerparteilichen Kommunikation verarbeitet. Weitere Hinweise zur Datenverarbeitung und Ihren Rechten unter www.die-linke.de/datenschutz

Einwilligung in die parteiinterne Bekanntmachung

Ich erkläre mich damit einverstanden, dass mein Eintritt nach §2 (2) der Bundessatzung parteiöffentlich bekannt gegeben wird. Parteiöffentliche Bekanntmachung bedeutet, dass Neumitglieder zum Beispiel auf einer Mitgliederversammlung oder in einer internen Publikation des Kreisverbandes namentlich erwähnt werden.

Ort, Datum _____

Unterschrift _____

*) Pflichtfelder